

Steff la Cheffe

Album: « Vögu zum Geburtstag »

«Bye Bye»

Chorus:

Bye Bye, i packe mini Sache und i gah.
Bye Bye, i mach mi ufe Wäg, i muess wäg.
Bye Bye, i säge dir no tschüss
chume zrügg, wenn dr Winter vrbii isch.

1. Take:

Sorry zäme, aber schiebe itz.
I muess wäg, es isch z'chaut ir Schwyz.

Ha ke Bock hie däm Winter z'trotze.
I bi eh nid uf Wintersport!

I bi meh so uf Strand, Bikini,
Sunnenundergang u Bierli.

Fiiret dir nume Après-Ski!
I muess eh no ga packe, Shit!

U mir flüge zäme abe uf des Afrika.
Schtige ine Zug muess die Schtadt vrlah.

Immer widr furt, dass i tanke cha.
Blibe geng im Fluss wi Gedankegang.

Gibe mi nid z'fride mitem Schpatz ir Hang.
I wott Tube, i wott Cats, i wott Ratte fah.

24/7 u des ds ganze Jahr.
Nime nech grad mit wi uf Klassefahrt.

Reise und irr bis a ds Ändi vom Nüt.
Weiss aube nid, was mi länt oder schtüürt,
zieht, fühert, tribt oder pusht.
Weiss mängisch nid, was i sueche dert uss.

Weiss aube nid was i würklech vrfouge.
Reise wi Schwaube i Süde wes chaut wird.

Reise zum wäg si, reise zum zrügcho,
reise um d Perschpektive mau z knicke.

Chorus:

Bye Bye, i packe mini Sache und i gah.
Bye Bye, i mach mi ufe Wäg, i muess wäg.
Bye Bye, i säge dir no tschüss .
Chume zrügg, wenn dr Winter vrbii isch.

2. Take:

Sorry zäme i muess witr gah.
I cha nid blibe, cha nid blibe schtah.



I bi widr am pickle, wirde nie satt.
I ha mi witrentwicklet, witr im Takt.
Lüt disse mi, vrrisse sech ds Mu.
Bi nid emau pissed, i bi nid so erschtuunt.

I ha mi exponiert und i nimes in Chouf.
D Ärde dräiht witr u d Maschine louft.

U macht si mau Pouse, dänki gärn zrügg
a au di Lüt, wo mi Wäg hei krützt,

wo mit mir si ghanget, mit mir si gange,
mit mir uf dere Bühne si gschtange.

I freue mi geng di widr mau zgseh, zghöre
wis dir u dire Fam so geit.

Danke für aus i ha Liebi für euch.
Schetze nech würk, aber bruche o neus.

Und i meine nid Hype, i meine nid Fame,
meine nid Gäud und i meine nid Game,

meine nid Lüt, wo itz plötzlech nätt si,
Komplimänt gäbe, Reschpäkt u Gschänkli.

Wott nume frei si, wott nume läbe.
Wott immer widr neue Seele begägne.

Schlüpf us mim Kokon, schpreize di Flügu.
Schtreife di Hut ab, nimms mr nid übu.

Chorus:

Bye Bye, i packe mini Sache und i gah.
Bye Bye, i mach mi ufe Wäg, i muess wäg.
Bye Bye, i säge dir no tschüss
chume zrügg, wenn di Show hie vrbii isch.

Bridge:

Witr und witr und witrcho.
Es muess witr und witr und witr gah.
I wott witr und witr und witr cho.
Immer witr und witr und witr gah.

(aus: <http://lyricstranslate.com>)